



## O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 2 » fevral № 52

Toshkent sh.

### **Қорақалпоғистон Республикасида аҳоли учун муносиб турмуш шароитларини яратиш ва маҳаллалар инфратузилмасини янада яхшилаш чора-тадбирлари тўғрисида**

Ўзбекистон Республикаси Президентининг “Оролбўйи минтақасини барқарор ривожлантириш бўйича ишларнинг самарадорлигини ошириш чора-тадбирлари тўғрисида” 2022 йил 1 ноябрдаги ПФ–241-сон Фармонида асосан Қорақалпоғистон Республикасида ўтказилган ўрганишлар натижасида аниқланган шароити оғир оилалар ва фуқароларни қўллаб-қувватлаш ҳамда овул ва маҳаллалар инфратузилмасини ривожлантириш мақсадида Вазирлар Маҳкамаси қарор қилади:

#### 1. Қуйидагилар:

а) Ташқи савдо, инвестициялар, маҳаллий саноатни ривожлантириш ва техник жиҳатдан тартибга солиш масалалари бўйича Хукумат комиссияси йиғилишининг баёнига асосан вилоятлар ва Тошкент шаҳар ҳокимликлари Қорақалпоғистон Республикасининг Нукус шаҳри ва Бўзатов, Қораўзак, Кегейли, Қўнғирот, Қонликўл, Мўйноқ, Нукус, Тахиатош, Тахтақўпир, Хўжайли, Чимбой, Шуманай туманларига (кейинги ўринларда – шимолий туманлар) бириктирилганлиги;

б) Қорақалпоғистон Республикасидаги барча овул ва қишлоқлардаги аҳоли турар жойлари ҳамда ички йўллар ҳолати бўйича ўтказилган хатловда оғир турмуш шароитидаги оилаларга тегишли 21 094 та уй-жойларнинг том қисмини таъмирлаш (ёпиш) ҳамда 709 та яшаш учун яроқсиз ва авария ҳолатидаги уй-жойларни янгидан қуриш, шунингдек, вилоятлар ва Тошкент шаҳар ҳокимликларига бириктирилмаган Амударё, Беруний, Эллиққалъа ва Тўрткўл туманларидаги (кейинги ўринларда – жанубий туманлар) 2 минг километр тупроқ йўлларга қум-шағал ётқизиш талаб этилиши аниқланганлиги;

в) Вазирлар Маҳкамасининг “Қорақалпоғистон Республикаси ҳудудларини ижтимоий-иқтисодий ривожлантириш, қулай бизнес муҳитини яратиш, инновацион технологияларни жорий этиш ва инфратузилмалар билан таъминланганлик даражасини янада яхшилаш орқали аҳоли фаровонлигини оширишнинг қўшимча чора-тадбирлари тўғрисида” 2022 йил 6 сентябрдаги 500-сон қарорида жанубий туманлардаги 123 км тупроқ йўлларга қум-шағал ётқизиш учун 2023 йилда 15 млрд сўм маблағ ажратиш кўзда тутилганлиги;

г) Ўзбекистон Республикаси Президентининг “Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонуни ижросини таъминлаш чора-тадбирлари тўғрисида” 2022 йил 30 декабрдаги ПҚ–471-сон қарорида жанубий туманлардаги ички хўжалик йўлларини таъмирлаш учун 2023 йилда 12 млрд сўм маблағ ажратиш назарда тутилганлиги маълумот учун қабул қилинсин.

2. Қорақалпоғистон Республикаси Вазирлар Кенгаши, Молия ва иқтисодиёт вазирлиги ҳамда Қурилиш ва уй-жой коммунал хўжалиги вазирлигининг хатлов жараёнида аниқланган оғир турмуш шароитидаги оилаларга тегишли **21 094 та** уйнинг том қисмини таъмирлаш (ёпиш) ва **709 та** яшаш учун яроқсиз ва авария ҳолатидаги уйларни янгидан қуриш, шунингдек, жанубий туманлардаги **2 минг километр** тупроқ йўлларга кум-шағал ётқизиш ишларини марказлаштирилган тартибда амалга ошириш тўғрисидаги таклифлари маъқуллансин.

### 3. Қуйидагилар:

Қорақалпоғистон Республикасининг Нукус шаҳри ва шимолий туманларидаги оғир турмуш шароитидаги оилаларга тегишли уйларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уйларни янгидан қуриш ишларининг йиғма параметрлари **1-иловага** мувофиқ;

Қорақалпоғистон Республикасининг жанубий туманларидаги оғир турмуш шароитидаги оилаларга тегишли уйларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уйларни янгидан қуриш ишларининг йиғма параметрлари **2-иловага** мувофиқ тасдиқлансин.

4. Мазкур қарор доирасида амалга ошириладиган қурилиш-таъмирлаш ва ободонлаштириш ишлари бўйича буюртмачи этиб:

Нукус шаҳри ва шимолий туманлардаги оғир турмуш шароитидаги оилаларга тегишли уйларнинг том қисмини таъмирлаш (ёпиш) ва авария ҳолатидаги уйларни янгидан қуриш ишлари бўйича – Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги “Ягона буюртмачи хизмати” ИК ДУК;

жанубий туманлардаги оғир турмуш шароитидаги оилаларга тегишли уй-жойларнинг том қисмини таъмирлаш (ёпиш) ва авария ҳолатидаги уй-жойларни янгидан қуриш ишлари бўйича – Қорақалпоғистон Республикаси Вазирлар Кенгаши ҳузуридаги “Ягона буюртмачи хизмати” ИК ДУК;

жанубий туманлардаги 2 минг километр тупроқ йўлларга кум-шағал ётқизиш ишлари бўйича – Амударё, Беруний, Тўрткўл ва Эллиққалъа туманлари ҳокимликларининг Ободонлаштириш бошқармалари белгилансин.

5. Ушбу қарорда белгиланган чора-тадбирларни қисқа муддатларда яқунлаш мақсадида Қорақалпоғистон Республикаси Вазирлар Кенгаши ҳузуридаги “Ягона буюртмачи хизмати” ИК ДУКга пудратчи ва лойиҳа ташкилотларини, шунингдек, товарларни (ишларни, хизматларни) етказиб берувчиларни махсус ахборот порталида танлов ўтказиш тўғрисида эълон жойлаштирмасдан, харид қилиш тартиб-таомилларини электрон шаклда ўтказмасдан энг яхши таклифларни танлаш орқали аниқлаш ваколоти берилсин.

## 6. Белгилансинки:

мазкур қарорга 1-иловада назарда тутилган оғир турмуш шароитидаги оилаларга тегишли уй-жойларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уй-жойларни янгидан қуриш ишлари – Қорақалпоғистон Республикаси республика бюджети, вилоятлар ва Тошкент шаҳар маҳаллий бюджетларининг қўшимча манбалари, ҳомийлик хайриялари маблағлари ва қонунчиликда тақиқланмаган бошқа манбалар ҳисобидан;

ушбу қарорга 2-иловада назарда тутилган оғир турмуш шароитидаги оилаларга тегишли уй-жойларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уй-жойларни янгидан қуриш ишлари – 2023 йил учун Давлат бюджети параметрларида Ўзбекистон Республикаси Президенти топшириқларига асосан ҳудудларни ижтимоий-иқтисодий ривожлантириш харажатлари учун назарда тутилган маблағлар ҳисобидан;

жанубий туманлардаги 2 минг километр тупроқ йўлларга қум-шағал ётқизиш ишлари – Вазирлар Маҳкамасининг захира жамғармаси маблағлари ҳисобидан молиялаштирилади.

7. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари бир ой муддатда мазкур қарорга 1-илова билан тасдиқланган йиғма параметрларга мувофиқ маблағлар ажратилишини ҳамда қурилиш материаллари захираси яратилишини таъминласин.

8. Қорақалпоғистон Республикаси Вазирлар Кенгаши мазкур қарорга 1-иловада назарда тутилган уй-жойларнинг манзилли рўйхатини шакллантирилиб, вилоятлар ва Тошкент шаҳар ҳокимликларига тақдим этилишини таъминласин.

9. Иқтисодиёт ва молия вазирлиги ўн беш кун муддатда жанубий туманлардаги 2 минг километр тупроқ йўлларга қум-шағал ётқизиш ишлари учун Вазирлар Маҳкамасининг захира жамғармаси ҳисобидан 20 млрд сўм маблағ ажратсин.

10. Қурилиш ва уй-жой коммунал хўжалиги вазирлиги мазкур қарорда назарда тутилган уй-жойларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уй-жойларни янгидан қуриш ҳамда тупроқ йўлларга қум-шағал ётқизиш ишлари бўйича лойиҳа-смета ҳужжатларининг белгиланган тартибда давлат экспертизасидан ўтказилишини ва қурилиш-монтаж ишлари сифатли бажарилиши устидан тизимли давлат назорати амалга оширилишини таъминласин.

11. Қорақалпоғистон Республикаси Жўқорғи Кенгеси ва халқ депутатлари туманлар ва шаҳарлар Кенгашларига маҳаллий ҳокимликлар ҳамда масъул давлат идоралар билан биргаликда:

том қисми таъмирланадиган (ёпиладиган) ва яшаш учун яроқсиз уй-жойларнинг рўйхатини шакллантириш фаолияти устидан жамоатчилик назоратини ўрнатиш ҳамда мазкур соҳада бюрократия, сансалорлик ва бошқа маъмурий тўсиқларнинг олдини олишга қаратилган аниқ чораларни амалга ошириш;

уй-жойларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уй-жойларни янгидан қуриш, шунингдек, тупроқ йўлларга қум-шағал ётқизиш ишлари ўз вақтида ва сифатли амалга оширилиши устидан жамоатчилик назоратини ўрнатиш;

мазкур қарор доирасида амалга оширилаётган чора-тадбирларнинг самарадорлиги тўғрисидаги маълумотларни кенг жамоатчиликка етказиб бориш, шунингдек, долзарб муаммолар ҳал этилаётганлиги юзасидан аҳолига батафсил тушунтириш ва ташвиқот ишларини ташкил этиш тавсия этилсин.

12. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.Ж. Раматов, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари зиммасига юклансин.

**Ўзбекистон Республикасининг  
Бош вазири**



**А. Арипов**

Вазирлар Маҳкамасининг  
2023 йил 2 февралдаги 52-сон қарорига  
1-илова

**Қорақалпоғистон Республикасининг Нукус шаҳри ва шимолий туманларидаги оғир турмуш шароитидаги оилаларга тегишли уй-жойларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уй-жойларни янгидан қуриш ишларининг ЙИҒМА ПАРАМЕТРЛАРИ**

Т/р	Туман ва шаҳарлар номи	Маҳаллалар сони	Хонадонлар сони	Таъмирланадиган уй-жойлар сони	Шундан		Талаб этиладиган маблағ (млрд сўм)*	Бириктирилган ҳудуд
					том қисми таъмирланадиган (ёпиладиган) уй-жойлар сони	қайтадан қуриладиган уй-жойлар сони		
1	Нукус шаҳри	64	73 398	2 926	2 894	32	40,2	Тошкент шаҳри
2	Бўзагов тумани	5	3 363	1 159	1 110	49	16,3	Фарғона вилояти
3	Кегейли тумани	16	13 702	924	920	4	13,2	Андижон вилояти
4	Қонликўл тумани	11	9 023	796	340	10	12,6	Сирдарё вилояти
					434	12	16,0 **	Қорақалпоғистон Республикаси
5	Қораўзак тумани	13	9 073	713	706	7	9,8	Наманган вилояти
6	Қўнғирот тумани	39	27 526	934	889	45	14,1	Қашқадарё вилояти
7	Мўйноқ тумани	12	5 329	793	651	142	14,6	Тошкент вилояти
8	Нукус тумани	10	10 659	970	884	86	14,7	Самарқанд вилояти
9	Тахياتош тумани	13	14 326	667	637	30	10,2	Сурхондарё вилояти
10	Тахтақўпир тумани	17	7 083	1 586	771	40	12,8	Жиззах вилояти
					728	47	13,0 **	Қорақалпоғистон Республикаси

Т/р	Туман ва шаҳарлар номи	Маҳаллалар сони	Хонадонлар сони	Таъмирланадиган уй-жойлар сони	Шундан		Талаб этиладиган маблағ (млрд сўм)*	Бириктирилган ҳудуд
					том қисми таъмирланадиган (ёпиладиган) уй-жойлар сони	қайтадан қуриладиган уй-жойлар сони		
11	Чимбой тумани	22	20 695	964	918	46	15,0	Навоий вилояти
12	Шуманай тумани	13	8 525	974	329	20	5,5	Хоразм вилояти
					599	26	9,0 **	Қорақалпоғистон Республикаси
13	Хўжайли тумани	26	21 413	926	899	27	14,6	Бухоро вилояти
<b>Жами</b>		<b>261</b>	<b>224 115</b>	<b>14 332</b>	<b>13 709</b>	<b>623</b>	<b>231,6</b>	

**Изоҳ:**

\*) Лойиҳа-смета ҳужжатлари ва нуқсон далолатномалари асосида аниқлаштирилади.

\*\*) Қорақалпоғистон Республикаси республика бюджетининг қўшимча манбалари ҳисобидан молиялаштирилади.

Вазирлар Маҳкамасининг  
2023 йил 2 февралдаги 52-сон қарорига  
2-илова

**Қорақалпоғистон Республикасининг жанубий туманларидаги оғир турмуш шароитидаги оилаларга тегишли уйларнинг том қисмини таъмирлаш (ёпиш) ҳамда яшаш учун яроқсиз ва авария ҳолатидаги уйларни янгидан қуриш ишларининг ЙИҒМА ПАРАМЕТРЛАРИ**

Т/р	Туман ва шаҳарлар номи	Маҳаллалар сони	Хонадонлар сони	Таъмирланадиган уй-жойлар сони	Шундан		Талаб этиладиган маблағ (млрд сўм)*
					том қисми таъмирланадиган (ёпиладиган) уй-жойлар сони	қайтадан қуриладиган уй-жойлар сони	
1	Амударё тумани	49	36 065	1 868	1 856	12	26,0
2	Беруний тумани	40	38 322	1 189	1 171	18	21,6
3	Тўрткўл тумани	37	39 648	2 521	2 488	33	36,8
5	Элликқалъа тумани	37	28 905	1 893	1 870	23	27,9
<b>Жами</b>		<b>163</b>	<b>142 940</b>	<b>7 471</b>	<b>7 385</b>	<b>86</b>	<b>112,3</b>

\*) Лойиҳа-смета ҳужжатлари ва нуқсон далолатномалари асосида аниқлаштирилади.

